

Alderdiek 'zona ireki' bat izango dute Donostiako bake konferentzian

Zuzenean parte hartuko ez duten arren, beren proposamenak azalduko dituzte

Euskal alderdi politikoek beren proposamenak eramango dituzte urriaren 10etik 12ra bitartean Gernika Gogoratuz-ek antolatuta Donostian egingo den Europako bake konferentziara. Euskal Herriak bizi duen gatazka bereziki aztertuko ez den arren, 'zona ireki' bat antolatu da euskal alderdi eta bestelako taldeek konferentziako partehartzaileei beren ikuspegia azal diezaiten.

PANTXIKE AGIRRE / DONOSTIA

Gatazken Konponketarako eta Bakearen Eraikuntzarako Europako II. Konferentzia horrek bake prozesuak zabaltzeko gatazkak «nola eraldatu» aztertzea izango du helburu. Horretarako 200 aditu inguru etorriko dira Donostiara.

«Erakustazoka baten modukoa izango da», azaldu du Juan Gutierrezek, bigarren konferentzia honetako lehendakaria eta antolaketaz arduratu den Gernika Gogoratuz fundazioko bozeramaileak. Izan ere, gatazken konponketan Europan dauden esperientzia ugari erakutsiko edo adieraziko baitira. «Gatazketan partaide zuzenak ez diren arteko konferentzia bat da», argitu du Gutierrezek.

Konferentzia ez da planteatu gatazka jakin bat aztertzeko tresna gisa, baizik eta bitartekaritzaren esperientzien inguruan eztabaidatzeko eta horietatik ikasteko. Beraz, ez da inolako erresoluzio edo adierazpenik bozkatuko ez onartuko.

Hala ere, horrelako topaketek eragina izaten dutela gatazken tratamendu eta soluziobideetan aitortu du Gernika Gogoratuz-ek, eta eragina izaten dutela baita ere ospatzen ari den marko politikoan. Eragin hori handiagoa izaten dela uste du, indar politikoek eta instituzioek konferentzia legitimatzen duten eran.

'ZONA IREKIA' ALDERDIENTZAT Horrela, Euskal Herriko hainbat alderdi politiko, instituzio eta bestelako erakunde eta mugimenduekin harremanetan jarri da Gernika Gogoratuz konferentziari beren ekarpenak egin diezaiatzien. Alderdi politikoek ordea, ez dute partehartze zuzenik izango, hasieran hala pentsatu bazen ere. 'Zona irekia' izeneko leku berezi bat prestatu da beraiatzat eta Euskal Herriko gatazkan zerikusia duten taldeen zati.



Gernika Gogoratuz-ek dioenez, Europako esperientzien «erakusketa» izango da konferentzia.

A. GILLENEA

«Ez da beraien arteko eztabaidarik izango. Helburua da espazio horren bidez konferentziako partehartzaileekin eta beraien artean komunikatzeko aukera izan dezaten», azaldu du Gutierrezek. Lan hori errazteko *stand* moduko bat izango du alderdi edo talde bakoitzak. Kartelak jarri ahal izango dituzte baina «beste indarren aurkako komentario edo salaketak ez dituztenak».

Gonbidatutako alderdi politiko guztiak agertu dira 'zona ireki' horretan egoteko prest —EAJ, PSE-EE, HB, PP, UA, eta IU—. Dokumentu bana aurkeztuko dute gainera —antolatzailerik hala eskatuta—, bakebidean egiten dituzten proposamenak azalduz. «Bakea lortzeko

zer urrats emateko prest dauden» eta «adiskidetzarako baldintzak sortzeko zer proposatzen duten» esplikatzeko eskatu die Gernika Gogoratuz-ek. Agiri horiek ez dira zentsuratuko, «baina antolatzaileek prest gaude edozein zirriborro komentatzeko idazkera konferentzia honen helburuekin bat etor dadin». Alderdien testuak konferentziako partehartzaile guztiei banatuko zaizkie.

Konferentzia gai desberdinen inguruan sailkatu da eta eztabaida horietan partehartze zuzena izango dute besteak beste: Arrasateko Kooperatiben Mugimendua, gatazken prebentziorako NIP ereduaren esperientziak, bakearen eta bitartekaritzaren aldeko taldeak, SOS Balkanes-ek. Antolaketan Euskal Herriko bost

Unibertsitatek ere hartu dute parte.

Konferentzia Donostiako Miramar jauregian egingo da urriaren 10etik 12ra bitartean, eta 8tik 9ra prestaketa mintegia. Instituzioetako ordezkariak inaugurazio eta klausura ekitaldietan izango dira. Azken honetan Jose Antonio Ardanza EAeko lehendakaria, Juan Cruz Alli Nafarroakoa eta Jacques Valade Akitaniakoa. «Beren hitzaldietan alderdikierarik ez erabiltzeko» eskatu die Gernika Gogoratuz-ek.

Konferentzia horren aurrekontua 40 milioi pezeta ingurukoa da. Erdia Europako Batasunetik jaso du Gernika Gogoratuz-ek, ia herena Eusko Jaurlaritzatik eta bestelako erakundeek dirulaguntza ere jaso du.

«Bakerako eskubide demokratikoak» eskatuko ditu HBk ibilaldi batez

INAKI URIARTE / BILBO

Urriaren 7an hasiko da Iruñean «bakea lortzeko, eskubide demokratikoak» beharrezko direla aldarrikatuko duen ibilaldia. Mundu mailan dauden gatazkek konpontzeko bideak jartzen ari direla nabarmendu ondoren, autodeterminazioa eta lurralde batasuna elkarriketen ardatz bilakatu direla nabarmendu zuen Jon Idigorasek.

«Herri Batasuna prest dago erronka azkeneraino eramateko, bakeari bideak zabaltzeko ahalagin guztiak egiteko» azaldu zuen burukide abertzaleak. Ildo horretan, alderdien arteko adostasuna beharrezkoa dela iritziz arren nahikoa ez dela esan zuen. «Gatazkari koordinada zuzenean irtenbidea eman nahi badiogu Espainiako Estatu dago tarteko,

Espainiako Estatuan ez badago borondaterik elkarriketak hasi eta bururaino eramateko ezinezkoa» izango dela nabarmendu zuen Idigorasek.

Estatuaren egungo egituraren birmoldaketa behar-beharrezkoa dela iritziz zion. Horren adibide jarri zuen EAJk bereziki erakunde garaian «behartuta» ikusi izana bere burua Senatura ez joateko. Horren guztiaren ostean eztabaida politikoa eta sektore atzerakoien «mehatxu nabarmena» egon direla iritziz zion.

Idigorasek dei egin zion EAJri argi dezan noraino dagoen joateko prest, kontraesankor iritzi baitzion alderdi honek «estatu eraikitzen laguntzea» eta aldi berean «hauteskunde planteatzea» egitea. HB prest agertu zen beharrezko laguntza emateko Espai-



Jon Idigoras eta Jasone Manterola atzoko aurkezpenean.

X. SIMAL

niako Gobernuari eskubide demokratikoen gainean bake bideak eraikitzeko.

IRUÑETIK BILBORAINO OINEZ Herri Batasunak irailaren 7an hasiko du bake eta eskubide demokratikoen aldeko ibilaldia, 9an Bilbo igaro eta gero Donostian bukatzeko 12an mani-

EUEko Biltzar Ttipiak ontzat jo du EAJrekin lortu akordio politikoa

DONOSTIA

Euskal Ezkerrako Biltzar Ttipiak, joan den asteazken gauean eginiko bilera, ontzat jo zuen hauteskunde programaren inguruan Euzko Alderdi Jeltzalearekin lortutako akordio politikoa. Akordio horrek bi alderdien arteko konpromezu elektoralaren oinarriak finkatuko ditu.

'Nazionalismo demokratikoaren berrikuntza: euskal gizartearentzako proiektu plural eta irekia' izenburupean EAJk eta EUEk osatutako dokumentuan jasotako gogoeak eta proposamenak, Biltzar Ttipiaren ustez, «oso ekarpen handia eta positiboa dira nazionalismo demokratikoaren proiektu plural eta bateratuaz hornitzea». Halaber, «nazionalismo demokratikoaren barruan beharrezkoa den lankidetzaren lortzeko emandako urrats eraginkor, praktikoa eta erreala» izan dela dio Biltzar Ttipiak baina aitortzen du elkarlana oraindik lortzeko dagoen helburua dela. Beraz, proposamen gehiago sartzeko akordio «irekia» dela dio. Akordioarekin bat ez datorren EUEko jendea badagoela jakinarazi du Biltzar Ttipiak, baina hurrengo erronka jende hau bereganatzea izango dela dio. EAJren programa babestea erabaki du, baldin eta adostutako helburuak eta oinarri programatikoak defenditzen baditu.

festaldi nazional batez. Euskal Herrira hurbilduko diren atzerriko beste gonbidatuen artean Vilma Nuñez nikaraguarra bertan izango dela iragarri zuen Jasone Manterolak. Nazioarteko harremanetarako arduradunak Irlanda eta Palestinako ordezkariak izango direla azaldu zuen bide-nabar.